
- 1* وزیر اعظم نریندر مو دی نے کہیو ہے کہ حکومت نے اس دبا ئی غا آخر تک مُلک غا برقیاتی سیکٹر نانہ 500 بلین ڈالر مالیت غی صنعت بنان غو بدف مقرر کیو ہے۔
- 2* وزیر اعظم نریندر مو دی نے اس گل ور زور کہلیو کہ یہ احساس بدھ ربیو ہے کہ موسمی تبدیلی صرف مستقبل غی گل نہیں ہے، کیونجے اس غو اثر بُن محسوس کیو جا ربیو ہے۔
- 3* صدر جمہوریہ دروپدی مُمر نے اج اج نوی دہلی مانہ راشٹریتی بھون مانہ نرساں نانہ نیشنل فلو رینس نائیٹنانجل ایوارڈ 2024 تیں نوازیو۔
- 4* نوی تے قابل تجدید توانائی غا وزیر پرلہاد جو شی نے کہیو ہے کہ مُلک نانہ توانائی غا شعبہ مانہ آتم نربھر بنان واسطے گرین ہائیڈروجن غی پیداوار ضروری ہے۔

PM Semicon

وزیر اعظم نریندر مو دی نے کہیو ہے کہ یوہ سیلکان ڈپلومیسی غو دور ہے۔ اور ہندوستان نیم موصل توانائی غو گھر بنن خاطر ہر قدم چاوے گو۔ اُن نے کہیو کہ سرکا ر مُلک مانہ چپ غی پیداوار غی تعداد بدھان ور توجہ مرکوز کی جا رہی ہے تانجے بر آلہ نانہ ہندوستانی ساختہ چپیاں سنگ لیس کیو جا سکے۔ یاہ گل اج وزیر اعظم نریندر مو دی نے گریٹر نو ٹیڈا مانہ سیلکان انڈیا 2024 غو افتتاح کرن تیں بعد کہی۔ اپنا خطاب غے دوران وزیر اعظم نے مُلک مانہ برقیاتی نیم موصل صنعت نانہ بابدو دین گا سلسلہ مانہ کیا گیا بکھ بکھ اقدامات نانہ اجاگر کیو۔ اُن نے کہیو کہ سرکا ر نے اس دبا ئی غا آخر تک مُلک غا برقیاتی شعبہ نانہ 5 سو بلین ڈالر مالیت غی صنعت بنان غو بدف مٹھیو ہے۔ اُن نے کہیو جے اس سنگ 60 لکھ ملازمت پیدا ویں گی۔ وزیر اعظم نے ڈیجیٹل انڈیا پہل غی کامیابی ور لو کہلتاں واں کہیو کہ مُلک اس غا بڑا اثر نانہ دیکھ ربیو ہے۔ اُن نے کہیو جے اس تیں پہلاں یوہ مُلک موبائیل بنان تے برآمد کرن آلو دوجو بڑو مُلک بن گیو ہے۔ اس موقعہ و ر خطاب کرتاں واں برقیاتی تے اطلاعات با رے ٹیکنالوجی غا وزیر اشونی ویشنو وُنے کہیو کہ سرکا ر نے ڈیجیٹل انڈیا تے ٹیلی کام مشن غے ذریعے ٹیکنالوجی نانہ شہریاں غا ہتھاں مانہ آنیو ہے۔ اُن نے کہیو کہ نیم موصل صنعت غی ترقی مُلک مانہ اس نظریہ نانہ مچ بابدو دے گی۔ مہارا نامہ نگا ر نے دسیو ہے جے سمیکان انڈیا عالمی سیمی کنڈیکٹر غی اعلیٰ قیادت غی شرکت غو مشاہدو کرے گو۔ واضع رہ جے 250 تیں متا نمائش کا ر تے 150 مقررین بھارت نیم موصل صنعت کا ری ماحولیاتی نظام غی تعمیر خاطر پُر عزم ہیں۔

PM Climate Change

وزیر اعظم نریندر مو دی نے اس گل ور زور دتو ہے کہ موسمیاتی تبدیلی تے توانائی غی منتقلی عالمی خدشہ ہیں تے ڈی کا ر بنائزیشن ور گرین ہائیڈروجن غا اثرات نانہ بابدو دین با رے بین لاقوامی شراکت داری اہم ہے۔ یاہ گل اُن نے اج عملی طور ور گرین ہائیڈروجن ور بین القوامی کانفرنس سنگ خطاب کرتاں واں کہی۔ اُن نے کہیو کہ پیداوار مانہ بابدو خرچہ کہٹ کرنو، تے بنیا دی ڈھانچہ غی تعمیر، تعاون سنگ ہی تیزی نال ترقی کر سکے۔ اُن نے کہیو جے یاہ گل

محسوس وے کہ موسمیاتی تبدیلی صرف مستقبل غو مسئلو نہیں بلکہ اس غا اثرات ات ہن بی محسوس کیا جا ریہا ہیں۔ وزیر اعظم نے کہیو جے توانائی غی منتقلی اور پائیدار عالمی پالیسی گل با ت مانہ مرکزی حیثیت رکھے۔ وزیر اعظم نے اپنا ملک ہندوستان غا کردار بارے گل کرتاں واں کہیو کہ یوہ اک صاف ستھرو تے سرسبز سیا رو بنان بارے پُر عزم ہے۔ وزیر اعظم نریندرمودی نے کہیو کہ یوہ ملک جی 20 ملکاں مانہ پہلو ملک ہے جس نے سبز توانائی ور پیرس گا وعداں نانہ پوراں کیو ہے۔ اُن نے کہیو کہ یہ وعدہ 2030 غا ہدف تیں 9 سال پہلاں پورا ہو گیا تھا۔ وزیر اعظم نے دسیو جے بھارت غی غیر متحجر ایندھن غی صلاحیت مانہ پچھلا 10 بہراں مانہ قریب 3 سو فیصد بابدو ہوؤ ہے۔ اور ملک غی شمسی توانائی غی صلاحیت مانہ اسے دوران 3 ہزار فیصد تیں متو بابدو ہوؤ ہے۔

PM PMAY

وزیر اعظم نریندرمودی رواں مہینہ غی 15 تا ریخ نانہ جہا رکھنڈ غا جمشید پو رمانہ پر دھان منتری آواس یوجناغا لکھاں مستفیداں نانہ 2 ہزار 7 سو 45 کروڑ روپیاں غی مالیت غی قسط جا ری کریں گا۔ یاه گل گذشتہ روز مرکزی وزیر برائے دیہی ترقی شیو راج سنگھ چوبان نے اک ویڈیو کا نفرنسنگ غے ذریعے ریا ستاں گا دیہی ترقی بارے وزیراں گا اجلاس غے دوران دسی۔

Rijiju Portals

پارلیمانی امور غا وزیر کرن رجیجو نے اج نوی دہلی مانہ وزارت غا 100 تہاڑاں غی کامیابیاں غا حصہ غے طور ور 6 نواں اقدامات غو آغاز کیو۔ ان مانہ نیشنل ای ویدھان اپلیکشن 2.0 تے تحت قانون سازی غو انتظام کرن غو نظام، اک مشاورتی کمیٹی غو انتظام کرن غو نظام، نیشنل یوتھ پارلیمنٹ 2.0 تے ایکالویہ ماڈل رہائشی اسکول گا طلباء واسطے نوو نیشنل یوتھ پارلیمنٹ مقابلو شامل ہے۔ نیشنل ای ویدھان اپلیکشن غو مقصد بہتر فیصلہ سازی واسطے کاغذ تیں بغیر قانون سازی غو نظام بنانو ہے۔ نیشنل یوتھ پارلیمنٹ مقابلو ایکالویہ ماڈل رہائشی اسکول غا قبائلی طلباء نانہ سمجھان مانہ مدد کرے گی کہ کس طرح پارلیمنٹ کم کرے۔ جناب رجیجو نے یوہ وی دسیو کہ میڈیا اکثر نتیجہ خیز کماں غے بجائے پارلیمنٹ مانہ رکاوٹ ور زیادہ تو جہ دے۔ اُنہاں نے مزید کہیو کہ پارلیمنٹ مانہ بعض اوقات 5 منٹ غی رکاوٹ خبر بن جائے لیکن جد دوئے ایوان پوری رات تک بیسیا ریں تاں اُس نانہ میڈیا غی خبر مانہ کاٹے جگہ نہیں لبتی۔

CS JKBOTE

چیف سیکریٹری اتل ڈلو نے اج سرینگر مانہ بورڈ برائے تکنیکی تعلیم (جے کے بی او ٹی ای) گا کم کاج غو تفصیلی جائزو لیو۔ جس غے دوران اُنہاں نے جموں کشمیر غا تکنیکی اداراں مانہ طلباء نانہ تربیت تے معیاری تعلیم فراہم کرن ور زور کہلیو۔ چیف سیکریٹری نے اس موقعہ ور مذکورہ بورڈ ور زور دتو جے وے پولی ٹیکنک کالجاں تے صنعتی تربیتی اداراں نانہ تربیت غو مرکز بناویں۔ جتوں معیاری افرادی قوت صنعتی تے تکنیکی نوعیت غی منڈیاں مانہ دستیاب ملازمتاں واسطے تیار کیو جائے۔ اُنہاں نے اس گل نانہ برقرار رکھتاں واں کہیو

کہ اس طرح گا ادارہ کھٹوں کھٹ نظریاتی اسباق فراہم کرن واسطے ویں۔ پر اُمید واراں نانہہ اُن غی صلاحیتاں نانہہ گُردنو بے تانجے وے اپنا متعلقہ کاروبار مانہہ مہارت حاصل کرن آلا پیشہ ور افراد نانہہ ماہر پیشہ واراں مانہہ تبدیلی کر سکیں۔ اتل دُلُو نے مزید کہیو کہ تربیت تیں فارغ ہون آلاں غی ملازمت نانہہ بدھان تے طلباء مانہہ ان تکنیکی کو رساں غی توجو نانہہ بدھان گا سلسلہ مانہہ بورڈ نانہہ امتحانی عمل نانہہ سخت بنانو چاہیے۔ اور اُنہاں نانہہ ویلہ غی مانگ سنگ چلن آلی مہارت فراہم کرن ور توجو دینی چاہیے۔ چیف سیکریٹری نے پولیٹکنک کالجاں غی طرفوں تے اسکولی تعلیم با رے شعبہ غی طرفوں پیش کیا جان آلا عام دائرہ کو رساں گا حوالہ تیں ان ڈپلوماں غابرابر ہون گا تعین با رے وی صلاح دتی۔ اُن نے دلچسپ اُمید واراں واسطے ان کورساں مانہہ پس منظر غا انداج نانہہ ہموار اور پریشانی تیں پاک بنان بارے وی کہیو۔

Athletic Meet Reasi

ڈپٹی کمشنر ریا سی وشیش مہاجن نے اج جنرل زوراور سنگھ اسپورٹس اسٹیڈیم ریا سی مانہہ بیٹکیاں غا تمام عمر گا گروپاں واسطے بین ضلع کسرتی مقابلہ 2024 با رے تقریب غو افتتاح کیو۔ مذکورہ تقریب نوجواناں با رے کھیڈ خدمات جموں غی طرفوں منعقد کروائی جا رہی ہے۔ اس تقریب مانہہ جموں خطہ غا تمام ضلعان تیں قریب 250 تیں متی لڑکی حصو لے رہی ہیں۔ اس موقعہ و ر بولٹاں واں ڈپٹی کمشنر ریا سی وشیش مہاجن نے اس طرح کہیو۔۔ با ٹ۔۔

President Florance

صدر جمہوریہ دروپدی مُر مو نے اج نوی دہلی غا راشٹر پتی بھون مانہہ نرساں نانہہ قومی فلو رنس نا ٹنگیل اعزاز 2024 سنگ نوازیو ہے۔ قومی فلو رنس نا ٹنگیل اعزاز غو آغاز وزارت صحت تے خاندانی بھلائی بہتری نے سال 1973 مانہہ کیو تھو۔ یوہ اعزاز نرساں تے نر سنگ پیشہ ور افراد غی طرفوں سماج غی خاطر کی گئی شاندار خدمات غا اعتراف غا طور و ر دتو جا ئے۔

Joshi Green Hydregon

نویں تے قابلِ تجدید توانائی غا وزیر پر لہاد جوشی نے کہیو ہے کہ بھارت نانہہ توانائی مانہہ خود کفیل بنن واسطے گرین ہائڈروجن غی پیداوار اہم ہے۔ نوی دہلی مانہہ گرین ہائڈروجن انڈیا 2024 و ر دوجی بین القوامی کا نفرنس نال خطاب کرتاں واں اُنہاں نے وضاحت کی کہ گرین ہائڈروجن بنان تیں مُلک نانہہ ایمونس تے قدرتی گیس غی درآمد غی ضرورت نانہہ کھٹ کرن مانہہ مدد ملے گی۔ اس تیں کا بن ڈائیاکسائڈ گا اخراج مانہہ 2030 توڑی 25 ملین میٹرک ٹن غی کمی آوے گی۔ اُنہاں نے مزید کہیو کہ یہ کوشش 8 لکھ کروڑ روپیاں غی سرمایہ کار ی نانہہ راغب کرے گی۔ تے 6 لکھ ملازمت پیدا ویں گی۔ جناب جوشی نے اُمید ظاہر کی ہے کہ بھارت جلد ہی دُنیا پھر مانہہ توانائی غی ضرورت نانہہ پورا کرن آلاں وچوں اک وے گو۔ آکاشوانی نیوز نال گل کرتاں واں نوی تے قابلِ تجدید توانائی غی وزارت غا اک سائینسدان تے مشیر ڈاکٹر ارون کمار ترپاٹھی نے کہیو کہ یاہ کا نفرنس عالمی تکنیکی ترقی غی حوصلہ افزائی کرے۔

ECI SVEEP Meet

بھارتیہ چناؤ کمیشن نے آئندہ 2024 غا اسمبلی انتخابات غی تیاریاں غو جائزو لین واسطے جموں کشمیر غا ضلع نوڈل افسراں غے نال ورچول میٹنگ کی۔ اجلاس مانہہ ووٹر غی تعلیم تے انتخابات غے دوران ووٹراں غی سہولیات ور توجہ مرکوز کی گئی۔ جن اہم چیزاں ور تبادلہ خیال کیو گیو اُن مانہہ ہموار تے ووٹر واسطے خدمات غی فراہمی، ووٹر بیداری واسطے ٹیکنالوجی غو استعمال، ووٹر آؤٹ ریچ پروگرام، میڈیا غی حکمت عملی تے انتخابی عملہ غی تربیت شامل ہیں۔ جموں کشمیر غا اعلیٰ چناؤ افسر پی کے پولے، جموں کشمیر سویپ غا نوڈل افسر اختر حسین قاضی غے نال جموں کشمیر غا نوڈل افسر برائے میڈیا سپنا کوتوال، آئی ٹی ماہر نمیشا ابرال تے دیگر نے شرکت کی۔ آئندہ اسمبلی انتخابات مانہہ ووٹراں غی بیداری تے شرکت واسطے سویپ غے تحت شروع کی گئی سرگرمیاں غو جائزو لیتاں واں بھارتیہ چناؤ کمیشن غا عہدیداراں نے نوڈل افسراں نانہہ ہدایت کی کہ وے آئندہ اسمبلی انتخابات مانہہ ووٹراں غی تعداد بدھان واسطے ٹیکنالوجی تیں چلن آلی بیداری ور توجہ دیں۔ بھارتیہ چناؤ کمیشن غا عہدیداراں نے جموں کشمیر غا لوکاں واسطے ووٹنگ نانہہ آسان تے زیا دہ قابل رسائی بنان واسطے موبائل ایپس جسراں کہ ”نو یور کنڈیڈیٹ“، سی ویجیل، ووٹر بیلپ لائین ایپ، سویڈھا غا استعمال ور زور دتو۔

SVEEP Kishtwar

سویپ اقدام غا حصہ غا طور ور اج ضلع کشتواڑ مانہہ ”متدان میں بھاگیداری کشتواڑ کی ذمہ داری“ غا موضوع نال ڈیموکریسی مینی میراتھن غو انعقاد کیو گیو۔ میراتھن کشتواڑ غا ڈی سی دفتر کمپلیکس تیں شروع ہوئی۔ جھیڑی زلینہ پولیس چیک پو آئینٹ تیں گذر غے کشتواڑ پاڈر سڑک ور بیروار سیفرون پا رک پُجی تے واپس ڈی سی آفس کمپلیکس ور ختم ہوئی۔ تقریب نال خطاب کرتاں واں ضلع نوڈل افسر سویپ کشتواڑ کلڈپ کمار نے کہیو۔۔۔ بائٹ۔۔۔

Observers Meet Rajouri

اج ضلع راجوری غا 5 اسمبلی حلقاں واسطے جنرل ابزرور غی مشترکہ صدارت مانہہ اک اعلیٰ سطحی جائزہ اجلاس منعقد ہو و۔ میٹنگ مانہہ ضلع غی انتخابی تیاریاں غو جائزو لین تے مثالی ضابطہ اخلاق غی تکمیل ور زور کہلیو گیو تے اس گل نانہہ یقینی بنایو گیو کہ انتخابات غا پُر امن انعقاد واسطے تمام مجموعی تے بنیا دی ڈھانچائی انتظامات موجود ہیں۔ ضلع چناؤ افسر ابھشیک شرما نے کہیو۔۔۔ بائٹ۔۔۔
